

OFFERYNNAU STATUDOL CYMRU

2008 No. 3170

**Rheoliadau Grantiau a Benthyciadau Dysgu y
Cynulliad (Addysg Uwch) (Cymru) (Rhif 2) 2008**

RHAN 5

GRANTIAU AT GOSTAU BYW

Amodau cyffredinol yr hawl i gael grantiau at gostau byw

- 23.—(1) Mae gan fyfyrwr cymwys hawl i gael grant o dan y Rhan hon ar yr amod—
- nad yw'r myfyriwr wedi'i hepgor rhag bod â'r hawl gan unrhyw un o'r paragraffau canlynol, rheoliad 6 neu reoliad 7; a
 - bod y myfyriwr yn bodloni amodau'r hawl i gael y grant penodol y mae'n gwneud cais amdano.
- (2) Nid oes gan fyfyrwr cymwys hawl i gael grant o dan y Rhan hon os paragraff 9 yw'r unig baragraff yn Rhan 2 o Atodlen 1 y mae'r myfyriwr yn syrthio odano.
- (3) Nid oes gan fyfyrwr cymwys hawl i gael grant o dan y Rhan hon o ran—
- blwyddyn academiaidd sy'n flwyddyn bwrsari;
 - blwyddyn academiaidd cwrs ar gyfer hyfforddiant cychwynnol i athrawon pryd y mae cyfanswm y cyfnodau o bresenoldeb amser-llawn, gan gynnwys presenoldeb er mwyn ymarfer dysgu, yn llai na 6 wythnos;
 - cwrs ôl-radd hyblyg ar gyfer hyfforddiant cychwynnol i athrawon sy'n para am lai nag un flwyddyn academiaidd.
- (4) Nid yw paragraff (3)(b) yn gymwys at ddibenion rheoliad 24.
- (5) Nid oes gan fyfyrwr cymwys hawl i gael grant o dan y Rhan hon mewn perthynas ag unrhyw flwyddyn academiaidd ar gwrs rhyngosod os yw cyfanswm y cyfnodau o astudio amser-llawn yn llai na 10 wythnos oni bai bod y cyfnodau o brofiad gwaith yn wasanaeth di-dâl.
- (6) At ddibenion paragraff (5), ystyr “gwasanaeth di-dâl” (“*unpaid service*”) yw—
- gwasanaeth di-dâl mewn ysbyty neu mewn labordy gwasanaeth iechyd cyhoeddus neu gydag ymddiriedolaeth gofal sylfaenol yn y Deyrnas Unedig;
 - gwasanaeth di-dâl gydag awdurdod lleol yn y Deyrnas Unedig sy'n gweithredu i arfer eu swyddogaethau sy'n ymwneud â gofal plant a phobl ifanc, iechyd neu les neu gyda chorff gwirfoddol sy'n darparu cyfleusterau neu sy'n cynnal gweithgareddau o natur debyg yn y Deyrnas Unedig;
 - gwasanaeth di-dâl yn y gwasanaeth carchardai neu'r gwasanaeth prawf ac ôl-ofal yn y Deyrnas Unedig;
 - ymchwil ddi-dâl mewn sefydliad yn y Deyrnas Unedig neu, yn achos myfyriwr sy'n bresennol mewn sefydliad tramor fel rhan o'i gwrs, mewn sefydliad tramor; neu
 - gwasanaeth di-dâl gydag unrhyw un o'r canlynol—

- (i) Awdurdod Iechyd Strategol a sefydlwyd yn unol ag adran 13 o Ddeddf y Gwasanaeth Iechyd Gwladol 2006 neu Awdurdod Iechyd Arbennig a sefydlwyd yn unol ag adran 28 o'r Ddeddf honno(1);
- (ii) Bwrdd Iechyd Lleol a sefydlwyd yn unol ag adran 11 o Ddeddf y Gwasanaeth Iechyd Gwladol (Cymru) 2006 neu Awdurdod Iechyd Arbennig a sefydlwyd yn unol ag adran 22 o'r Ddeddf honno(2);
- (iii) Bwrdd Iechyd neu Fwrdd Iechyd Arbennig a gyfansoddwyd o dan adran 2 o Ddeddf y Gwasanaeth Iechyd Gwladol (Yr Alban) 1978(3); neu
- (iv) Bwrdd Iechyd a Gwasanaethau Cymdeithasol a sefydlwyd o dan Erthygl 16 o Orchymyn Iechyd a Gwasanaethau Cymdeithasol Personol (Gogledd Iwerddon) 1972(4).

(7) Yn ddarostyngedig i baragraff (8), nid oes gan fyfyrwr cymwys hawl i gael grant o dan reoliad 35, 36 neu 37 mewn perthynas â blwyddyn academiaidd ar y cwrs dynodedig os nad oes gan y myfyrwr hawl i gael cymorth perthnasol mewn perthynas â'r flwyddyn academiaidd honno.

(8) Nid yw paragraff (7) yn gymwys os y rheswm nad oes gan y myfyrwr hawl i gael cymorth perthnasol o ran blwyddyn academiaidd cwrs dynodedig yw—

- (a) bod y flwyddyn yn flwyddyn Erasmus; neu
- (b) bod y cwrs dynodedig yn hen gwrs ôl-radd HCA hyblyg.

(9) Ym mharagraff (7) ystyr “cymorth perthnasol” (“*relevant support*”), yn achos grant o dan reoliad 35, yw grant at ffioedd, neu, yn achos grant o dan reoliad 36 neu 37, benthyciad at ffioedd.

(10) Os bydd un o'r digwyddiadau a restrir ym mharagraff (11) yn digwydd yn ystod blwyddyn academiaidd, caiff y myfyrwr gymhwyso i gael grant penodol yn unol â'r Rhan hon mewn perthynas â'r flwyddyn academiaidd honno yn gyfan neu ran ohoni ond nid oes ganddo hawl i gael grant mewn perthynas ag unrhyw flwyddyn academiaidd sy'n dechrau cyn y flwyddyn academiaidd y digwyddodd y digwyddiad perthnasol ynddi.

(11) Y digwyddiadau yw—

- (a) bod cwrs y myfyrwr yn dod yn gwrs dynodedig;
- (b) bod y myfyrwr, priod y myfyrwr, partner sifil y myfyrwr neu riant y myfyrwr yn cael ei gydnabod fel ffoadur neu ei fod yn cael caniatâd i ddod i mewn neu i aros;
- (c) bod y wladwriaeth y mae'r myfyrwr yn wladolyn iddi yn ymaelodi â'r Gymuned Ewropeaidd os yw'r myfyrwr wedi bod yn preswyllo fel arfer yn y Deyrnas Unedig a'r Ynysoedd drwy gydol y cyfnod o dair blynedd yn union cyn diwrnod cyntaf blwyddyn academiaidd gyntaf y cwrs;
- (ch) bod y myfyrwr yn ennill yr hawl i breswyllo'n barhaol;
- (d) bod y myfyrwr yn dod yn blentyn i weithiwr Twrcaidd;
- (dd) bod y myfyrwr yn dod yn berson a ddisgrifir ym mharagraff 6(1)(a) o Atodlen 1; neu
- (e) bod y myfyrwr yn dod yn blentyn i wladolyn Swisaidd.

(12) Yn ddarostyngedig i baragraff (13), nid oes gan fyfyrwr cymwys hawl i gael grant o dan y Rhan hon os yw'n garcharor.

(13) Nid yw paragraff (12) yn gymwys o ran grant at gostau byw myfyrwr anabl.

(14) Ymdrinnir â myfyrwr y mae'r paragraff hwn yn gymwys iddo fel pe bai'n bresennol ar y cwrs dynodedig at ddibenion bod â hawl i gael ar gyfer y grantiau canlynol—

(1) 2006 p.41.

(2) 2006 p.42.

(3) 1978 p. 29.

(4) O.S. 1972/1265 (G.I. 14), y mae diwygiadau iddo nad ydynt yn berthnasol i'r Rheoliadau hyn.

- (a) grantiau ar gyfer dibynyddion;
 - (b) grant at gostau byw myfyrwyr anabl;
 - (c) grant cynhaliaeth neu grant cymorth arbennig;
 - (ch) grant addysg uwch.
- (15) Mae paragraff (14) yn gymwys i'r canlynol—
- (a) myfyriwr cwrs gradd cywasgedig;
 - (b) myfyriwr anabl—
 - (i) nad yw'n fyfyriwr cwrs gradd cywasgedig; a
 - (ii) sy'n ymgymryd â chwrs dynodedig yn y Deyrnas Unedig ond nad yw'n bresennol am na all fod yn bresennol am reswm sy'n ymwneud â'i anabledd.